



Broj: 02-04-3-3334/24  
Goražde, 22.10.2024.godine

Na osnovu člana 70. stav 1., 3. i 6. Zakona o javnim nabavkama ("Službeni glasnik BiH" br. 39/14, 59/22, 50/24) u postupku javne nabavke – otvoreni postupak za nabavku radova na zamjeni fasadne stolarije na objektu Gradske dvorane "Mirsad Hurić" u Goraždu, Gradonačelnik Grada Goražda donosi:

## O D L U K U

o prihvatanju ponude ponuđača „HDI” d.o.o. Sarajevo za nabavku radova na zamjeni fasadne stolarije na objektu Gradske dvorane „Mirsad Hurić” u Goraždu

### I

Ovom Odlukom se nakon provedene tenderske procedure za nabavku radova na zamjeni vanjske stolarije na objektu Gradske dvorane „Mirsad Hurić” u Goraždu, prihvata ponuda ponuđača „HDI” d.o.o. Sarajevo sa cijenom ponude u iznosu od 85.170,00 KM bez uračunatog PDV-a.

### II

Ova Odluka će se objaviti na web stranici Gradske uprave Goražde [www.gorazde.ba](http://www.gorazde.ba) sa istovremenim upućivanjem ponuđačima koji su učestvovali u postupku javne nabavke.

### III

Nakon pravosnažnosti ove Odluke po isteku roka od 15 dana od datuma Obavještenja ponuđača, Grad Goražde će pozvati izabranog ponuđača radi zaključenja odgovarajućeg ugovora kojim će se regulisati međusobna prava i obaveze vezane za predmetnu nabavku shodno uslovima ugovornog organa navedenim u tenderskoj dokumentaciji i zakonskim propisima koji regulišu postupke ugovaranja. Izabrani ponuđač će prije popisivanja ugovora, u roku od 7 dana od dana zaprimanja obavještenja o rezultatima postupka uskladu sa tačkom 5.1. tenderske dokumentacije dostaviti ugovornom organu, original ili ovjerene fotokopije dokaza o ispunjavanju uslova u pogledu lične sposobnosti iz člana 45. Zakona o javnim nabavkama.

## O b r a z l o ž e n j e

Gradonačelnik Grada Goražda je dana 09.09.2024. godine donio Posebnu odluku o pokretanju postupka javne nabavke radova na zamjeni fasadne stolarije na objektu Gradske dvorane „Mirsad Hurić” u Goraždu broj 02-04-3-3334-19/24 putem otvorenog postupka.

Na osnovu navedene odluke Obavještenje o nabavci broj 413-1-3-74-3-79/24 objavljeno je na portalu javnih nabavki dana 12.09.2024. godine, sažetak Obavještenja o nabavci objavljen je u „Službenom glasniku BiH” broj 63/24.

Na osnovu pomenutog obavještenja proveden je postupak prikupljanja i otvaranja ponuda što je konstatovano u zapisniku sa otvaranja ponuda od 03.10.2024. godine.

Komisija za provođenje procedure javne nabavke imenovana posebnim rješenjem Gradonačelnika Grada Goražde od 10.09.2024. godine dostavila je izvještaj o pregledu i ocjeni ponuda iz kojeg se vidi sljedeće:

- da su u ostavljenom roku za dostavljanje ponuda za nabavku radova na zamjeni fasadne stolarije na objektu Gradske dvorane „Mirsad Hurić” u Goraždu dostavljene ponude od strane ponuđača „YAVUZ COMPANY“ d.o.o. Srebrenik, „HDI“ d.o.o. Sarajevo i „Niwex“ d.o.o. Derventa;
- da ponuda ponuđača „HDI“ d.o.o. Sarajevo ispunjava formalno pravne uslove za učešće, uslove u pogledu lične situacije i sposobnosti za obavljanje profesionalne djelatnosti, kao i tehničke i profesionalne sposobnosti ponuđača, koji su definisani tenderskom dokumentacijom;
- da su na osnovu rezultata pregleda i ocjene ponuda, ponude ponuđača „YAVUZ COMPANY“ d.o.o. Srebrenik i „Niwex“ d.o.o. Derventa, ocjenjene kao nepravilne iz sljedećih razloga:

**Ponuda ponuđača “YAVUZ COMPANY” d.o.o. Srebrenik** je odbačena kao nepravilna u skladu sa tačkom 6.5.2. tenderske dokumentacije, obzirom da navedeni ponuđač nije pravilno popunio Obrazac za cijenu ponude (Anex 8.). Naime, pomentom tačkom tenderske dokumentacije je određeno “u slučaju da ponuđač propusti popuniti Obrazac za cijenu ponude u skladu sa postavljenim zahtjevima, za sve stavke koje su navedene, njegova ponuda će biti odbačena. U Obrascu za cijenu ponude, ponuđač je dužan dati ponudu za sve stavke, vodeći pri tome računa da ukupan zbir cijena svih stavki u obrascu ne može biti 0 (nula)”. Kako je utvrđeno da je ponuđač “YAVUZ COMPANY” d.o.o. Srebrenik u stavci “nepredviđeni radovi (2%)” upisao iznos 0,00, na osnovu gore navedene tačke tenderske dokumentacije ponuda navedenog ponuđača je odbačena.

**Ponuda ponuđača “Niwex” do.o. Derventa** je odbačena u skladu sa tačkom 7.7.1. tenderske dokumentacije kojom je između ostalog propisano “Ako ponuđač ne odobri predloženu ispravku, ponuda se odbacuje i garancija za ponudu, ukoliko postoji se vraća ponuđaču”. Naime, prilikom pregleda i ocjene ponuda uočeno je da stavka “nepredviđeni radovi (2%)” u iznosu od 1.709,39 KM nije uračunata u stavku “sveukupno bez PDV-a” (nisu sabrani nepredviđeni radovi). Komisija je nakon uočene greške, ponuđaču “Niwex” d.o.o. Derventa putem e-pošte uputila Obavještenje broj 02-04-3-3334/24 od 09.10.2024. godine u kojem je ponuđač pozvan da najkasnije u roku od 3 (tri) dana od dana prijema Obavještenja pismenim putem odobri ispravku uočene računске greške. Dana 11.10.2024. godine dostavljen je odgovor ponuđača “Niwex” d.o.o. Derventa u kojem izjavljuje da ne prihvata ispravku računске greške, jer je stav ugovornog organa da nepredviđeni radovi trebaju biti sabrani u ukupnom iznosu ponude pogrešan i u suprotnosti sa Modelom TD i stavom URŽ-a iznesenim u Rješenju broj JN2-01-07-1-1869-7/22 od 21.07.2022. godine;

- **obzirom da je na osnovu rezultata pregleda i ocjene ponuda samo jedna ponuda ocjenjena kao prihvatljiva**, to u skladu sa članom 4. stav (2) Pravilnika o uslovima i načinu korištenja e-aukcije, e-aukcija nije zakazana;
- da je ponuda ponuđača „HDI“ d.o.o. Sarajevo sa cijenom ponude u iznosu od 85.170,00 KM bez uračunatog PDV-a prema kriteriju „najniža cijena“ ocjenjena kao prihvatljiva i najpovoljnija za ugovorni organ

Komisija za provođenje postupka javne nabavke radova na zamjeni fasadne stolarije na objektu Gradske dvorane „Mirsad Hurić” u Goraždu, predložila je Gradonačelniku Grada Goražda donošenje Odluke o prihvatanju ponude ponuđača „HDI“ d.o.o. Sarajevo za izvođenje radova na zamjeni fasadne stolarije na objektu Gradske dvorane “Mirsad Hurić” u Goraždu budući da je ponuda navedenog ponuđača sa ukupnom cijenom ponude u iznosu od 85.170,00 Km bez uračunatog PDV-a, na osnovu provedene procedure, ocjenjena kao prihvatljiva i najpovoljnija za ugovorni organ.

Razmatrajući preporuku Komisije te cijeneći naprijed navedeno, preporuka Komisije je prihvaćena pa je odlučeno kao u dispozitivu ove Odluke.

**POUKA O PRAVNOM LIJEKU:** Protiv ove odluke može se izjaviti žalba u roku od 10 dana od dana prijema iste. Žalba se izjavljuje Uredu za razmatranje žalbi putem ugovornog organa u pisanoj formi direktno, elektronskim putem ili preporučenom poštanskom pošiljkom, u najmanje tri primjerka. Uz žalbu je potrebno dostaviti dokaz o plaćenju naknadi za pokretanje žalbenog postupka.

**GRADONAČELNIK**

ERNEST IMAMOVIĆ



DOSTAVITI:

1. Ponudačima,
2. u spis,
3. a/a